

Pojedini brojevi:		Mjesečna pretplata:	
U Beogradu i o krajevima zapadno od c. i kr. Ota po cijeni od	8 helera	U Beogradu i o krajevima zapadno od c. i kr. Ota po cijeni od	2-250
U Hrvatskoj, Slavoniji, Bosni i Hercegovini i Dalmaciji po cijeni od	10 helera	U Beogradu sa dostavom u kuću	2-50
Izvan ovog područja po cijeni od	12 helera	U Hrvatskoj, Slavoniji, Bosni i Hercegovini i Dalmaciji	2-50
		U ostalim krajevima Austro-ugarske monarhije	3-
		U inostranstvu	4-50

Oglasi po cijniku.

Uredništvo: BEOGRAD, Vuka Karadžića ul. broj 10. Telefon broj 83.
Uprava i primanje pretplate: Topličin venac broj 21. Telefon broj 25.
Primanje oglasa: Kneza Mihajla ul. broj 38. Telefon br 245.

Ratni izvještaji.

Izveštaj austro-ugarskog glavnog stožera.

Kb. Beč, 23. septembra.

Istočno bojište:

U Bukovini su odbijena neprijateljska izvidjačka odjelenja. Inače vrlo neznatna borbeno djelovanje.

Talijansko bojište:

Na južnom dijelu visoravni Banjsica i na Gori Sv. Gabrijele podržavao je neprijatelj živu topničku vatru.

Jugo-Istočno bojište:

U području Skumbe potisnuli smo Francuze sa jedne visine. Jednom vješto i uzorno vodjenom austro-ugarskom odjelenju pošlo je za rukom, da prođe iza neprijateljskih položaja, gdje je rastieralo i ače pričuve.

Načelnik glavnog stožera.

Izveštaj njemačkog vojnog vodstva.

Kb. Berlin, 23. septembra.

Zapadno bojište:

Front prijestonasljednika Rupprechta bavarskog:

Jedan engleski monitor uz pomoć osmatračke letilice pucao je jutros na Ostende. Nekoliko granata pogodilo je katedralu, u kojoj je služena jutrenja. Ubijeno je 7 Belgijca, dok su 24 teško ranjena. Ovaj je monitor protjeran vatrom naših obalnih baterija. Na flandrijskom kopnom frontu ostala je topnička vatra poslije mjestimičnih jutarnjih borbi izmjenično jaka. Prema večeri razvila se neprijateljska vatra od bušnjarske vatre sjevero-zapadno od Yperna. Slijedili su engleski napadaji jugoistočno od St. Juliena. Neprijatelj je odbačen. U noći kod slabije vatre nije bilo nikakove pješadijske djelatnosti. Neprijateljska pješadija, koja je u noći poslala jaku prepadnu vatru provalila u naše položaje kod Monchy-a, jugoistočno od Arrasa, protjerana je poslije borbe na nož. U borbama ispred položaja jugoistočno od druma Cambrai-Bapaume, kao i na Sommi i Oisi ostalo je u našim rukama nekoliko neprijateljskih vojnika.

Front njemačkog prijestolonasljednika:

Uz Aisnu, na Brimontu i na odsjecima Champagne došlo je na vrijeme do vrlo živahnih borbi između topništva. Kod raznih izvidjačkih preduzeća, kojom prilikom su naše napadne čete često prodrle u stražnje neprijateljske položaje, zarobljeno je nekoliko neprijateljskih vojnika i ako je neprijatelj skoro svagdje pobjegao. Naše rovovske posade odbile su na više mjesta francuska izvidjačka odjelenja. Pred Verdunom razvila se poslije podne topnička vatra do najjače žestine.

Istočno bojište:

Front maršala princa Leopolda bavarskog:

U mosnoj brani kod Jakobstadta nadjen je u napaštenim ruskim položajima vrlo obilnat ratni materijal. Naše čete stigle su svagdje do Dvina od Liwenhofa, pa sve do Stockmannshofa. U Pinskiu je došlo do požara zbog ruskog bombardovanja.

Macedonsko bojište:

Zbog velike vrućine, koja je na suncu dostigla snagu od 65 gradi, došlo je do borbi samo zapadno od Ohridskog jezera. Tamo su njemačke i austro-ugarske čete oduzele jurišem Francuzima visinu Krčova.

Prvi zapovjednik glavnog stana pl. Ludendorff.

Njemački večernji izvještaj.

Kb. Berlin, 23. septembra.

Wolfvov ured javlja: Osim živalne topničke vatre u Flandriji nije bilo nikakvih naročitih događaja na frontovima.

Na istočnom bojištu stigli su Nijemci na Dvinu od Liwenhofa do Stockmannshofa. — Neutralna štampa o odgovoru središnjih vlasti na papinsku notu.

Sutra u 8-30 uveče u dvorani „Kasine“

umjetničko veče prvoga reda!

KONCERAT

dvojice svjetskih umjetnika

JURICE TKALČIĆA i HERMANNA GRUSSA.

Preporuča se publici, da si ulaznu kartu nabavi što prije, jer je pretprodaja vrlo obilna, pa bi lako mogli mogao ostati bez ulaznice. Pretprodaja karata u mjestnoj etapnoj menaži.

Poslije odgovora središnjih vlasti na papinski predlog za mir.

Neutralna štampa o odgovoru središnjih vlasti.

Kb. Bern, 23. septembra.

Bernski „Intelligenzblatt“ piše: Po prvi je puta, što vlada Austro-Ugarske i Njemačke službeno i bez suzdržanja priznava princip obrambenih sudova i ograničenja naoružanja. Austro-ugarski državnici imali su za ovu pacifističku tražbenu od vjeka više razumijevanja. Korjen pacifizma imade se tražiti u Beču, gdje imade više pacifista. Tako Austro-Ugarskoj nije bilo teško, da pristane na ovaj papinski prijedlog. Ako danas i Njemačka, koja je do rata otklanjala ideju obilnih obrambenih sudova i ograničenja naoružanja, danas priznaje ove pacifističke principe, onda se ondje izvršila revolucija u mišljenju. Odgovorom središnjih vlasti svakako su odstranjene silovite zaprijetke na putu za utanačenje mira.

Kb. Bern, 23. septembra.

Njemačka nota kojom se papi odgovara, — pišu listovi — nije napisana onakvim pobjedničkim glasom, kojim je napisana prošlogodišnja decembarska ponuda. Taj akt će teško omogućiti, da se dosadnja skućena okrivljavanja, kao da je njemačka vlada prozeta nezasićenim osvajačkim požudama i vojničkom isključivošću, i dalje produže. Njemačka je vlada izjavila svoju čvrstu volju da u mirovno pitanje uđe s punim povjerenjem zajedno s narodnim predstavnicima. To je ujedno i posredni odgovor Wilsonu, koji je rezoluciju njemačkog Reichstaga sa svim zapostavio. Odgovor cara Karla, koji je po smislu jednak, razlikuje se po svome obliku, jer je upućen lično papi, kao od sina, koji je crkvi poslušna. Lično boju nose i uvjeravanja mladog cara o mirovnoj volji, kojom je on od dolaska na prijesto zadahnut. O teritorijalnim spornim pitanjima se i u tom aktu samo u opšte govori. Oba odgovora su očividno htjela da svojim opštim oblikom izbjegnju neposrednu polemiku sa sporazumnim silama o pojedinih pitanjima. Oba akta iskazuju simpatiju prema misli papinoj, koji sad svoju mirovnu očenizvu, na koju su sporazumne sile gledale s nepovjerenjem, može produžiti.

Kb. Stockholm, 23. septembra.

„Svenska Dagbladet“ očekuje od rasprava u njemačkom Reichstagu, koje će biti narednih dana, dopunu njemačkog odgovora, koja u pogledu Belgije ne sadržaje nikakvih opaski. List polaže najveću vrijednost na činjenicu, što se u odgovoru jasnim riječima pobila sumnja u mirovnu rezoluciju njemačkog Reichstaga. Ne smije se potcijeniti, da jedan službeni, diplomatski akt, koji veže njemačku vladu, upućuje na mirovnu rezoluciju njemačkoga Reichstaga.

Kb. Rotterdam, 23. septembra.

„Nieuwe Courant“ pesimistički cijeni odgovore središnjih vlasti. Oni su gorko razočarenje i ne bi nas mogli približiti miru. Odgovori sadrže samo opšte fraze, u njima nema ničega tačnog. Pa ipak oni otvaraju izgled, jer naročito se u njima naglašuje, da na mjesto materijalne sile oružja treba da dođe moralna snaga prava. Bolji su nego nikakav odgovor, s čime bi se, sudeci

prema posljednjim izjavama u francuskoj komori, sporazumne sile zadovoljile. — „Handelsbladet“ piše: U odgovorima središnjih vlasti nalazi se osnova za dalje progovore. Ali su izgledi slabi, da će saveznici biti na to spremni, jer nema izjave o Belgiji, koju je tražio Lloyd George a prije svega Asquith, kao ni izjave o Elzas-Lotaringiji, koju želi Painleve. „Telegraf“ propagandistički list sporazumnih sila, veli, da su ova odgovora napisana u glavnom za pozadinu. Odgovor Austro-Ugarske čini mnogo povoljniji utisak nego li odgovor Njemačke. Ali da se do mira dodje potrebno je mnogo više nego li izlivi tih riječi, naine priznanje krivice, islinito određjenje zadovoljenja, koje krivci hoće da pruže svijetu i jamstva, da će svoje obveze održati.

Engleska štampa o odgovoru Austro-Ugarske.

Kb. London, 23. septembra.

O austro-ugarskoj noti piše „Daily Chronicle“: Ne može se ozbiljnosti tog odgovora odrediti poštovanje. Iz svake riječi govori velika iskrenost, s toga taj dokument zaslužuje veliku pažnju. Očividno te riječi dolaze sa srca jednog čovjeka, koji doista želi da se dodje do trajnog mira. Sadašnji monarh je morao da naslijedi svoga prethodnika i on sam je za ovaj svjetski požar potpuno nevini. Već u mnogim slučajima mi smo imali prilike, da u riječima cara Karla zapazimo uzvišeni duh čovječnosti. Od kako on na prijestolju sjedi, Beč govori drugim jezikom. Sad, kako su središnje vlasti rekle svoju riječ, ne će ni sporazumne sile dozvoliti da se ni na njihovu dugo čeka.

Ruski kaos.

Borba za pri protiv rata.

Kb. Amsterdam, 23. septembra.

„Nieuwe Rotterdam Courant“ donosi ovu vijest „Daily Telegrapha“ iz Petrograda: Ova je nedjelja borbeno nedjelja između glavnih struja revolucije. „Boljšiji“ smatraju za neophodno potrebno, da se ratu učini kraj. Oni vele, da bi za produženje rata bila potrebna jaka vlada i da bi takva vlada po nuždi morala biti protivrevolucionarna. S toga oni traže socijalističku vladu i nepremijeno primirje. Ekstremni drugog pravca vele, da su radnički i vojnički savjeti bacili zemlju u haotični položaj. Oni sudoveli položaj Rusije kao velike sile u opasnost. Mi moramo dakle rat produžiti i u tu svrhu uspostaviti disciplinu. Ali se to može postići samo diktaturom. Između tih krajnjih grupa nalaze se srednje stranke, koje traže koalicionu vladu, ili se trenutno uzdržavaju od svake akcije.

Mogućnost Kerenskovog odstupanja.

Kb. Amsterdam, 23. septembra.

„Daily News“ javlja iz Petrograda: Demokratska konferencija, koja će se sastati u ponedjeljak, ako se bude riješila protiv koalicionog kabineta, predložice socijalističko ministarstvo, za koje je ministarska lista već utvrđena. U tom slučaju će Kerenski otkinuti.

Borba maksimalista protiv Kerenskog.

Kb. Bern, 23. septembra.

„Temps“ javlja iz Petrograda: Maksimalistički organi su otkinuli borbu protiv Kerenskog.

General Duhonin načelnik glavnog stožera ruske vojske.

Kb. Petrograd, 23. septembra.

Večernji listovi javljaju, da je general Duhonin, načelnik glavnog stožera zapadnog fronta, imenovan za načelnika glavnog stožera vrhovnog zapovjednika.

90 milijuna birača za ustavotvornu skupštinu.

Kb. Petrograd, 23. septembra.

Ministar unutrašnjih poslova je izjavio, da ukupni broj birača za ustavotvornu skupštinu iznosi oko 90 milijuna. Izborni troškovi iznijeće 100 milijuna.

Zapovjednici mornarice ostaju na svojim mjestima.

Kb. Petrograd, 23. septembra.

Ministar za mornaricu izjavio je novinarima, da će svi odgovorni zapovjednici mornarice ostati na svojim mjestima.

Kornilovljeva će se pobuna za- bašuriti?

Kb. Bern, 23. septembra.

„Temps“ javlja iz Petrograda: Radnički i vojnički savjet je riješio, da izabere istražno odbor u Kornilovljevoj stvari. „Novaja Ziznj“ objašnjuje tu mjeru time, što se u vladinim krugovima pokušalo, da se cijela Kornilovljeva stvar zašauri.

Ubijanje časnika u Finskoj.

Kb. Stockholm, 23. septembra.

Iz Wiborga se javlja o novim ubistvima časnika koja su vojnici izvršili. Petrogradski listovi zahtijevaju, da se tamo pošlje jedna kaznena ekspedicija.

Finski socijalisti za slobodu svoje domovine.

Kb. Stockholm, 23. septembra.

„Birževija Vjedomosti“ javljaju: Finski socijalni demokrate namjeravaju da Evropi upute poklič, kojim će zahtijevati, da se Plaska odvoji od Rusije.

Neograničeni podmornički rat.

Američke podmornice — ne vrijede.

Kb. Stockholm, 23. septembra.

„Petit Parisien“ javlja, da izvidjačke podmornice, koje je Amerika sagradila, nisu dale očekivani rezultat. Saobrazno tehničkim upustvima engleskog admiralteta one su suviše lako gradjeno i nisu dovoljno jake, da bi se protiv njemačkih podmornica mogle upustiti u borbu. I u određivanju njihove brzine pokazale su se znatne teškoće.

Englesko šikaniranje neutralaca.

Kb. Amsterdam, 23. septembra.

„Handelsbladet“ javlja, da je tobož zaključen sa Engleskom ugovor o nabavi uglja, prema kome je Holandija primila za nabavku uglja postavljene uslove, među njima naročito ustupanje brodskih prostorija za engleski pomoćni odbor kao i obvezu, da postavljene brodove pusti u saobraćaj.

Najnovije brzojavne vijesti.

Car Vilim na rumunjskom bojištu.

Kb. Berlin, 23. septembra.

Car Vilim je razgledao bojišta kod Buzuela, Rimnicu-Sara i Focsania. Ovdje je car video čete, koje su u jesen 1916. učestvovala u pobjedničkom pohodu kroz Erdelj za Rumunjsku a sad se nalaze na frontu u Moldaviji. Car je govorio o svjetsko-istorijskom značaju tih borbi, koje su za otadžbinu i s pravednog gledišta vrlo važne, pa je završio s riječima, da Njemačka ne će biti odgovorna, ako se bude moralo da se taj put i dalje produži. Poslije podne car se popeo na Magura Odobersti kod Focsana, s koga se pruža širok i daleki izgled na bojišta posljednje nedjelje.

Njemačka i Argentina.

Kb. Buenos-Aires, 23. septembra.

Reuterov ured javlja: Njemačka je nota pobudila ovdje zadovoljstvo. Kako Wolfvov ured saznaje, radi se o juče predanoj njemačkoj noti, u kojoj Njemačka izjavljuje, da je sud poslanika Luxemburga njegovu lično shvaćanje, koje nema na odluke njemačke vlade nikakvog uticaja.

Izbori u Švedskoj.

Kb. Stockholm, 23. septembra.

Jučerašnjim izborima u Stockholmu, koji su tekli u najvrućem ređu i s velikim učesćem birača, završeni su izbori za drugu komoru. Izborni ishod u Stockholmu, gdje je popunjeno 16 mandata, običavice se u sriedu.

Neutralni vojui punomoćnici na dvinskom bojištu.

Kb. Berlin, 23. septembra.

Vojni punomoćnici neutralnih država otišli su na dvinsko bojište.

Enverpaša u Sofiji.

Kb. Sofija, 23. septembra.

Enverpaša stigao je na putu za Berlin u Sofiju. Na stanici ga je dočekao kralj Ferdinand i dulje vremena s njim razgovarao.

Grad i okolica.

Koncertat Tkalcic-Gruss.

Oba umjetnika, koja sutra, 25. ov. mj., priredjuju u mjestnoj etapnoj menaži svoj koncert, stigli su juče u Beograd, pa su se odlučila na jednu bitnu, interesanuu promjenu rasporeda, za koju će im publika zacijelo biti veoma blagodarna. Raspored je sada definitivno ustanovljen ovako: 1. Veliki Cello-Koncertat u H-Mollu od Dvoržaka, 2. a) Brahmsova Rapsodija; b) „Auf Fliegen des Gesanges“ od Mendelsohn-Liszta; c) Valse brillante za glasovir od Chopina. 3. a) Bruchov Kol Niedrei, b) Hajd u kolo od Tkalcica za čelo i glasovir. — Stanka od 20 časaka. (Buffet, priredjen od časničke menaže I. u prvom spratu.) — Poslije stanke: 4. a) Wagner-Brassin: „Fenerzauber“; b) Rigoletto-Phantastie za glasovir. 5. a) Intermezzo od Sitta; b) Serenade de Pierra: od Tkalcica; c) „Abendlied“ (Večernja pjesma) od Schumann; d) Tarantella od Poppera za čelo i glasovir. — Ulaznice po 5, 4, 20, 3 i 2 krune na dnevnoj blagajni mjestne etapne menaže od 9—12 sati prije podne i 3—6 sati poslije podne.

Istorijski kalendar.

Na današnji dan, 24. septembra, rođio se na svome dobru Hekmanicu u Čoskoj najznamenitiji vojskovođa 30 godišnjeg rata A. pl. Wallenstein. Poginuo je 1634. god. u Hebu (Eger) od ubilačke ruke kao žrtva jedne zavjere (strahovalo se da će se proglasiti češkim kraljem). — 24. septembra 1706. zaključio je čuveni švedski kralj Karlo XII. sa knezom saksonskim i kraljem poljskim Avgustom II. mir u Altranštadtu. — 24. septembra 1835. godine umro je u Puteauxu blizu Parisa talijanski kompozitor Vincenzo Bellini. — 24. septembra 1860. godine branio je harun Ambroz Vranjczany u tzv. proširenom drž. vijeću („erweiterter Reichsrat“) u sjajnom govoru stvar Hrvatske. — 24. septembra 1904. godine umro je u Kopenhagenu slavni danski medicinar Niels Ryberg Finsen.

Ispravka.

U članku „Vlada i odgovornost“, koji je izišao u broju od 23. ov. mj., prokrala se jedna štamparska pogriješka. Složeno je: „uspelo se, da se uvek predstavi, kao da radikalni imaju uza se bar relativno stvarni odnos među pojedinih jedinicama sasvim je drugi i on govori upravo protiv radikalne vlade.“ A treba: „uspelo se, da se uvek predstavi, kao da radikalni imaju uza se bar relativno većinu naroda. Međutim, sadašnji stvarni odnos među pojedinih partijskim jedinicama sasvim je drugi“... i t. d.

Jesen.

Juče u podne je naša zemlja prošle kroz jesenju ravnodnevnčku tačku, t. j. tačku, u kojoj se po drugi put sliječe zemljina putanja sa ekvatorom. Prošle je noći dan bio ravan noći. Od danas noć postepeno raste.

Otvorenje ljekarske prakse.

Cjelokupnog ljekarstva ljekar, dr. Gjoka Jovanović otvorio je ljekarsku praksu za unutrašnje i dječije bolesti, pa ordinira svaki dan od 10^h do 12^h prije podne u Skopljanskoj ulici br. 12, parter. Dr. Jovanović uživao je kao ljekar još prije rata dobar glas, što je Beogradjanima ostalo sigurno dobro u pameti.

CIJENE OGLASIMA:

Osmina jednog milimetarskog retka (42 mm široko) staje . . . 10 helera
Pripisano: Petina jednog milimetar. retka (70 mm široko) staje . . . 40 helera
Bilješke: Petina jednog štamparskog retka (70 mm široko) staje . . . Kruna 4
Mali oglasnik Jednostavna riječ 5 helera, sa masnim slovima 10 helera.

MALI OGLASI

Primaju se: Knez Mihajlova ul. 38.

CIJENE OGLASIMA:

Osmina jednog milimetarskog retka (42 mm široko) staje . . . 10 helera
Pripisano: Petina jednog milimetar. retka (70 mm široko) staje . . . 40 helera
Bilješke: Petina jednog štamparskog retka (70 mm široko) staje . . . Kruna 4
Mali oglasnik Jednostavna riječ 5 helera, sa masnim slovima 10 helera.

Dentista F. B. Bril
Beograd.
Makedonska ulica broj 5.
(do pošte)
„Amerik. specialista“



„ZUBE“ vještačke u zlatu
i u kocuču samo se u
mome ateljeu izrađuje po
najboljem originalnom
amerikanskom sistemu. Pri-
mam od 8-12 i 2-6.
823-1

Dr Života Janković
operater,
Iječi i ženske kožne i polne
bolesti.
Ordinira od 2-3 sata po
podne. Stanuje: Takovska 17.
32840-1

Kupovine i prodaje
Sirće
za jela i turšiju
litar 1-40 kruna
na veću količinu, jeftinije, pro-
daje u kafani kod „Skupštine“
NOVICA MILIČEVIĆ
32768-2

NOVITETI
ŽENSKIH ŠEŠIRA
forme i razni ukrasi za iduću
sezonu koja je odpočela, stižu
postepeno. Zbog odpadka re-
zije (u sopstv. kući) cijene
kao i dosad znatno niže.
Novi mode salon Sime M.
Lazarevića, Kr. Milana 120
(u dvorštu) 32894-2

Namju kazu
dobro očuvanu, ima na pro-
daju u Budimskoj ulici br. 11.
32988-2

NA PRODAJU
2 kreveta sa visokim naslo-
nom polovna, u Bitoljskoj ul.
br. 17. Vidjeti se može od 12
do 1 sata svaki dan. 33006-2

Jedna velika bačva
veoma jaka, prodaje se. Upi-
tati u Ratarskoj ulici 24.
33002-2

Namještjenja.
Poslastičarskog Radenika
potrebuje D. G. Pavlović, Beo-
grad. Knjaza Mihaila br 3.
33005-3

TRAZI SE ŽENA
za sav kućevan posao, Jevre-
mova ul. No. 38. 33008-3

TRAZI SE
djevojka ili mlađa žena za
dete i spremanje sobe. Prija-
ve svako posle podne od 2-4
Dositjeva ulica 26. 32996-3

Stanovi.
STAN ZA IZDAVANJE
Izdaje se jedan stan sa 5 so-
ba i ostalim udobnostima u
kući na velikom trgu broj 23,
na gornjem spratu, gdje je
kafana požarna kasina. Za cje-
nu i uslove obratiti se kod
Franca Čili-a, limara, u istoj
zgradi, ili Svetozara Švabića
kod firme Marića i Riznića.
32993-4

Dvije sobe i kuhinja
i soba i kuhinja izdaju se pod
kiriju odmah u Poslastičkoj
ul. 20. 33007-4

OVDAŠNJI DUGOGODISNJI
Graver Goldstein
Prima radove za graviranje i sve vrste poslova, te struke.
U zgradi zlatara Maxa Berlinera,
Knez Mihajlova ul. 1. do apoteke Delini. 911

NAJBOLJI BEČKI
DJEVOJACKI PANSIONAT
Karola v. Kastaly, Exzell. Jihn v. Solwegen, u vezi
sa jednim licejem.
Izobrazbeni kursevi, jezici, glasha, pjevanje.
I. bečki pensionat sa teorijskim i praktičnim
kursom za vrtlarstvo,
Internat, Poluinternat, Eksternat,
Obavještenja: od 11. do 1. sat, i od 3 do 5 poslije po-
dne. Wien, VIII. Langgasse 65. Pel.interurban 5299/8.
928

OSRAM
SIALICE i SIALICE
WOTAN
Poruceno i prispjelo 20.000 kom. i to:
od 100, 110, 120, 1220, Volt od 5, 10, 16, 25, 32, 50 i 100
svijetla, otvorene, matirane, u boji, krmikaste i okrugle, kao i
za fotografiju crvene trubini)
Novi HALB WATT I G. Novi
AXIAL OSRAM od 25 do 150 Wata
sve ove sijalice mogu se dobiti u
Elektrotehničkoj radnji
Nanke i Vukovića
Terazije br. 30. 32499 Beograd.

TREBAM
od 1. oktobra lijepo namještenu
sobu sa zasebnim ulazom. Pr-
venstvo, koje imaju električno
osvjetljenje. Ponude admini-
straciji pod znakom „Budapest
531“ 32981-4

Pod kiriju
soba i kuhinja sa ulice u Kos-
majskoj br. 44 podesno za
dućan manje zanatlijske rad-
nje. Upitati u Prizrenskoj br. 11.
33004-4

Razno.
Slavka Gjukic
svršena maturantka neka se
javi Ljubiel Gužvić istim pu-
tem gdje se nalazi — Topola.
32901-5

KORESPONDENCIJA.
Jovanu Premoviću, Gene-
va. Molim izvjestite me, da
li je živ moj brat Bogić Uro-
šević iz Donje Trepče, sreza
Ljubliškog, okruga rudničkog,
vojnika 2. čete, 3. bataljona,
X. puka, 3. poziva šumadijske
divizije. Pita brat Milko Uro-
šević, sa familijom, koja je
zdrava. 32951-8

Leonu De Leonu, Geneva.
Moj muž Samuljo J. Levy
odavna mi se ne javlja. Molim
vas javite mu, da mi se javi
preko vas i izvjestite ga, da
sam ja i dijete, kao i moji i
njegovi ukučani svi zdravi i
živi. Molim vas pohitajte sa
pribavljanjem njegovog pisma
i dostavljanjem meni preko
Smedereva. Poštujte vas i bla-
godari Rika S. Levy, Smede-
revo. 32952-8

Stevi Aćimoviću, Geneva.
Molim da mi se na račun pla-
te moga muža Dragutina Ho-
gičevića, arhivara prvostepeno-
g okružnog suda bitoljskog,
pošalje novčana pomoć, jer
sam sa djetetom u oskudici.
Živka D. Bogičević, iz Mla-
denovca. 32970-8

Umoljavi se svaki onaj, na-
ručito drugovi i prijatelji, koji
bi mi šta znali o mom sinovcu
Pavlu Milanoviću, vojniku
I. čete, I. bataljona, XI. puka
šumadijske divizije, da isto
dostavi na adresu: Draga An-
dre Milanovića, Natalinci, —
Rača, — Kragujevac. 32973-8

Stevi Aćimoviću, Geneva.
Moj muž bio je ložac u
fabriki Kragujevačkoj; već su
dvije godine kako ga nema
kod mene. Zove se Vladisav
Kovanović. Ja sam sa treje
dijete bez sredstava za život.
Molim vas ljepo, da mi se
ukaže što prije brza pomoć.
Blagodari i poštuje Andja Ko-
vanović, Rudnička ulica br. 17,
Kragujevac. 32959-8

Stevi Aćimoviću, Geneva.
Molim izvjestite me, da li je
živ moj brat Pavle Antonijević,
star 18 godina, otišao je iz
sela Zarkova kod Beograda,
sa mladićima posljednje od-
brane 1914. godine septembra,
Prijatelje i poznanike njegove
molim, da me izvjestite na mo-
ju adresu. Blagodarna sestra
Perka Milenković, Grocka, ku-
ća br. 324. 32966-8

Jovanu Premoviću, Gene-
va. Molim saznajte, šta je bilo
sa mojim sinom Radokom
Dušićem iz Umčara, srez Gro-
čanski, okrug beogradski, voj-
nikom IV. čete, I. bataljona
XVIII. puka, koga je nestalo
na Kostolcu, prilikom povla-
čenja srpske vojske, a tako isto
molim i svakog njegovog po-
znanika, da me izvjesti, ako
na šta o njemu bude znao.
Života Dušić, iz Umčara po-
šta Grocka, 32947-8

LJETNA POZORNICA



HOTEL TAKOVO
TERAZIJE 29.
DANAS
u Ponedjeljak 24. sep-
tembra 1917.
VELICANSTVENA
PREDSTAVA
u 1/2 9 na večer
sa ovim programom:
Ridi Grün, pjevačica bečkih
pjesama.
Jurello, komični žongler.
Franz Niederhofer, humo-
rista
FRED SINGER
prikazivanje znamenitog virtuozna na
guslama u slici i glazbi.
GUSTI EDLER u svom original-
nom reperioaru.
Sestre Gerö a) Rekoke
b) Turska har. igra
Mary Heil, humoristkinja.
TRI MAMURLUKA
Sala u 1 zinu od Niederhofera.
Ulaznica vrijedi kao propusnica za građanska lica
U slučaju nepogodnog vremena predstave u sali.

Oglašujte u Beograd. Novinama.
Šivaće mašine
sviju sistema, specialno
opravlja
I. Elektro-mehanička radionica
Milutina S. Markovića
Terazije broj 8
(u dvorštu). 898

GRAMOFONE, PLOCE,
GRAMOFONSKE IGLE ima na prodaju u Radnji
RUSSO I KALMICA
Vatrogasna 5.
32758

GABRIELE IDELSON
OPTIČARSKA RADNJA
Knez Mihajlova 21.
Veliki izbor cvikera, naočara, leornja i t. d. u duble stali, nitli i
kornjači. Savjesna izrada naočari po lekarškom uputstvu. Stvarite
fotografskih aparata i materijala za fotografiju. Sopotvena radionica sa
električnom snagom. Stvarite hirurzijskih instrumenata i bandaza.
Izrada ortopedskih aparata i steznika. 32887

HOTEL LONDON 871
Beograd, Kralja Milana br. 82.
U blizini željezničke stanice. Tramvajska postaja. Sobe
za prenoćište, po utvrđenom cjenovniku. Dobar kot
u hotelskom restoranu. Hotelijer Jovan Savić.

Trgovina suhomesnate robe
Johann Smeykal
Kralja Milana ulica 21
nalazi se od sada 32949
u
Kolarčevoj ulici 12.

Prvo ces. kralj. povlašćeno dunavsko parobrodsko društvo

Red plovidbe i pravila
sa otpremu sa lokalnom ladjom, koja plovi na pruzi Sabac-Beograd i Beograd-Smede-
revo ter dodiruje stanice Obrenovac, Umka i Grocka.
Vrijedi od 21. srpnja 1917. do daljnjega.
Označeni lokalni brodarski promet uređen je za osobnu, brzovoznu i dogodičnu mješovitu službu.

Table with shipping schedules for Sabac-Beograd and Beograd-Smederevo routes, including columns for Dan, Sat, Km, Stanica, and time.

II. Otprema osoba i prtljage. I. Vozne cijene i pristojbe za prtljag. I. Na pruzi Sabac-Beograd.

Table showing fares and charges for passenger transport on the Sabac-Beograd route, categorized by class (I, II) and weight.

II. Na pruzi Beograd-Smederevo.

Table showing fares and charges for passenger transport on the Beograd-Smederevo route, categorized by class (I, II) and weight.

III. Otprema robe.

ZEMUN, mjeseca srpnja 1917.
GLAVNA AGENCIJA.

Najbolje je preplatiti se na
„BEGRADSKÉ NOVINE“
OGLAŠUJTE U
„BEGRADSKIM NOVINAMA“
„BEGRADSKÉ NOVINE“
Prilaju oglase po umierenoj cijeni.

Obuće
razne vrste i fazona,
papuča, blokeja pro-
daje na tuce i na par
OBUČARSKA RADNJA
Miloša Savića
Kolarčeva ulica br. 10, Beograd.

Sa tugom i bolom u duši javljamo, da ćemo na-
šem milom sinu, Našem jedinicu
† MILOSU-MISI
djaku VII. raz. gimnazije,
davati polu-godišnji pomen, u crkvi smederevske,
1. oktobra u 10 sati prije podne.
Smederevo, septembra 1917.
Vječno ožalošćeni: mat: Ruža; otac: Aleksa Todo-
rović advokat; sestra Milica i ostala rodbina. 32995

Sa neizmjernim bolom u duši duboko ožalošćeni
i neutješni roditelji, sestre, brat, i ostala familija, iz-
vješavaju svoje srodnike, prijatelje i poznanike, da
su prije kratkog vremena izvješćeni o smrti milog im
sina, brata i t. d.
† ZIVORADA-ZIKE
kome će 25. septembra u utorak u 10 1/2 sati prije
podne davati godišnji parastos u crkvi sv. Marka na
Starom Groblju.
Beograd, Braće Nedića 29.
Tužni i do groba ožalošćeni roditelji: Cveča i Dra-
gojub Kostić učitelj; sestre: Jagoda i Zorka, brat:
Sveta; stric: Vladimir Kostić učitelj; tetke: Vasilija,
Nastasija i Natalija i ostala mnogobrojna rodbina.
32994

Ožalošćena Ljubica Drag. Markovića pe-
šad. potpukovnika sa porodicom, izvještava
prijatelje i poznanike, da će svome milom
i dobrom
† Dragutinu Markoviću
davati godišnji parastos u srijedu 26. ov.
mjeseca u 10 sati prije podne u Svetosav-
skoj crkvi.
Beograd, Molerova ulica 3.
32994